


特別
又 8
1250
2





倉
頡



古今圖書集成

倉頡四目生于軒轅時已建左右史以記言動
倉頡詛誦實當其任始因鳥跡而作字是時天
雨粟鬼夜泣世人咸稱字從其制謹按伏犧時
已有書契為萬世文字之祖蓋亦因其文而增
創耳耶

贊曰維昔左史以佐軒皇妙發靈契遷宣文
章六書既制義理以彰啓蒙萬代道與天長

臯陶



皋陶舜時舉用之而不仁者遠邁種德德乃降
 為士師帝曰惟茲臣庶罔或于予正汝作士明
 于五刑以弼五教期于予治刑期于無民刑協
 于中時乃功懋哉

贊曰惟虞有士禹讓厥功教以祗德制民于
 中惟明克允慎厥身修四方風動惟乃之休

右稷



后稷名棄善相土宜教民耕稼播種百穀每思
 天下有飢者由已飢之也其救民之急如是舜
 乃命之曰黎民阻飢汝后稷播時百穀又曰暨
 稷播奏庶艱懋遷有無化居烝民乃粒萬邦作
 乂

贊曰天造草昧篤生異人倣藝黎稷教我萬
 民人始粒食惠澤博施萬古同賴永荷厥賜
 太德之報慶綿後葉祚隆文武克昌厥業

契



契舜司徒之職命之曰百姓不親五品不遜汝
 作司徒敬敷五教在寬又曰父子有親君臣有
 義夫婦有別長幼有序朋友有信邇其司徒之
 職於周禮稱地官掌建邦之典與其人民數以
 佐王安擾邦國以天下土地之圖周知九州地
 域廣輪之要辨其山林川澤丘陵墳衍原隰之
 名物而契之職得其稱焉

贊曰玄鳥降祥是為殷祖興於唐虞歷事夏
 禹當作司徒職遷具陳五教寬叙百姓斯親
 封商食功啓迪其后植根之深枝葉自茂下
 身餘慶六百傳祚撫像今日猶起永慕

伊尹



伊尹耕于有莘之野有元聖之德樂堯舜之道
於畎畝之中湯三使往聘學焉而後臣之嘗薦
于夏醜夏復歸因說湯以伐夏湯立遂相之湯
崩後太甲立不明于德居憂桐宮三年悔過自
艾乃具袞冕奉歸還政修德諸侯歸之此大甲
三篇之所以作也

贊曰維尹未遇耕於有莘囂囂自得堯舜君
民三使往聘幡然而起五就五反推壑若已
嗣王不惠亦予之辜克終允德可以托孤

傳說



傳說有賢德殷高宗夢得良弼曰說說為胥靡
築傅岩求得之立為相故書曰若濟巨川用汝
作舟楫若歲大旱用汝作霖雨云

贊曰身蘊經綸隱胥靡中實天生德聖百神
通作相商邦啓汝宸衷為霖一代萬古長風

太公



太公姓姜氏名子牙又名呂尚釣於磻溪之慈
 水得玉璜刻田周受命呂佐西伯出獵卜之曰
 所獲非龍非熊非虎非羆霸王之輔遇於渭陽
 曰吾太公望子父矣故號太公望載歸立為師
 謂之尚父作六韜兵法立九府圜法封於齊而
 遺高姓焉

贊曰太公避亂居渭之濱西伯獵歸武王是
 臣爰奮龍韜遂此鷹揚誅厥一夫用靖四方
 封齊有履世血其祀非羆遺像儼人瞻視

周公



君臣圖象下

周公名且文王子武王弟成王叔也成王幼周公爲冢宰攝政管蔡流言曰公將不利於孺子遂作亂公東征誅管蔡成王既長公乃歸政初武王有疾公作策請以身代策藏金縢疾果瘳後成王得策執以泣請公東還公乃作無逸之書以訓焉

贊曰姓姬名且武王之弟負朝攝政作樂制禮二叔不咸居東有愍金縢啓忠雷雨應敏袞衣言歸赤舄何病展祀魯邦千載元聖

老子



老子姓李氏名耳字伯陽謚曰聃周守藏史也
 孔子適周問禮老子對曰君子得其時則駕不
 得其時則蓬華而行良賈深藏若虛君子盛德
 容貌若愚吾所以告子者若是而已孔子去謂
 弟子曰鳥吾知其能飛魚吾知其能游獸吾知
 其能走皆可以網繪矰之至於龍吾不能知其
 乘風雲而上天今見老子其猶龍耶
 贊曰無為自化清靜自正法本去用莫非其
 性混元三寶孰究其玄萬古精神道德兩篇

孔子



孔子名丘字仲尼父叔梁紇禱于尼丘山神而生故名祖述堯舜憲章文武刪詩述書定禮樂作春秋讀易道垂訓遺法所教三千之徒身通六藝者七十有二人唐玄宗始謚曰文宣王宋真宗加謚至聖元武宗又加謚大成

贊曰道出於天惟聖受之或行或傳是君是師施教雖殊神功則尊巍巍玄聖克大厥原百王所崇以之歸依惟其治亂驗茲從違河清開泰千載一遇有嚴九重欽聖有寓惟像是肖惟肖是想屢回舜瞳瞻視堯顙乃命侍臣乃載贊辭前後一揆文不在茲天地之廣河海之深譽之則贊辨之則謚吾王尊實表道之宗聖傳神授垂諸無窮

屈原



屈原名平楚之同姓也為懷王佐徒拜三閭大夫
 博聞強志明於治亂嫺於辭令同列爭寵心
 害其能邪曲害公方正不容故憂愁幽思而作
 離騷遷之江濱被髮行吟澤畔又作懷沙之賦
 自沉於汨羅焉

贊曰屈原楚人與楚同姓博聞強志忠則出
 性懷王親任上官是譖方負不容抗疏見貶
 託志離騷見絕漁父汨羅沉塚流恨千古

項王



項王名籍字羽目重瞳有膽力初同漢高帝共
 事楚懷王立為義帝起兵攻秦殺降王子嬰自
 立為西楚霸王又弑義帝與漢為敵至烏江兵
 敗勢蹙遂自刎蓋恃勇力而不屑仁義者不亡
 何待

贊曰楚狐鳴祠秦鹿挺野籍也從梁惟燕是
 假奮自吳中聲震天下威雄殺將義屈弑帝
 天方助德人厭力制咄哉重瞳瞠不是圖償
 績千秋空想意烏

張良



張良字子房為韓公子遇老父於地橋子書一
 帙亦可恠矣及高帝遭困者數而良常有功力
 焉豈可謂非天乎故帝曰夫運籌帷幄之中決
 勝千里之外吾不如子房以為其人魁梧奇偉
 若衰婦人蓋孔子曰以貌取人失之子羽留侯
 亦云後即導引辟穀不食從赤松子遊所謂明
 哲保身者焉考其所受兵法有云君無疑於臣
 臣無疑於君國定主安臣以義退智之素也
 贊曰神界太公俾奮其志天授沛王使濟其
 事資輕萬金剩報強仇功成謝侯願從仙游
 忠貫于日智明于水勇冠三軍狀如女子有
 儒氣像葉韓難伍形雖不偉烈烈其貌

董仲舒



董仲舒少治春秋為博士下帷講誦弟子以次
 授業莫見其面進退容止非禮不行學者師尊
 之孝武時舉賢良對策上疏條教凡百二十三
 篇說災異得失竹林之屬復數十篇十餘萬言
 多功於時政自古廷對之士不能過焉為江都
 膠西相病免歸不問家業專以脩學著書為事
 朝廷太議遣使就問對皆明法也
 贊曰聖遠言溷大道幾熄狂秦滅學六經離
 折斯人幸出潛心其業春園不窺下帷而讀
 遂令群學有所統一大庭三對臯嘉乃策一
 辨誼利王伯其判才雖王佐奈時叛漢

東方朔



東方朔漢武帝時上書年十三學書三冬文史
 足用常有譽曰目若鸞珠齒若編貝勇若孟賁
 捷若慶忌廉若鮑叔信若尾生苦是_可為天子
 大臣矣又云侏儒飽欲死臣朔飢欲死臣言_可
 用幸異其禮遂待詔金馬門拜太史令

贊曰博觀外家滑稽多智大言驚世傲物肆
 志人或不知謂公為狂陸沉時俗避世朝行
 匡救亦多善諫且陳遺像昂藏可想其人

司馬遷



司馬遷字子長父談建元中爲太史令遷尊稱
 爲太史公論六家要義徧歷江淮上會稽探禹
 穴窺九疑浮沅湘北涉汶泗講業齊魯鄉射鄒
 嶧過梁楚以歸太初中爲太史令因論李陵下
 宮刑發憤修史實錄有良史才後世作史者皆
 取法焉

贊曰馳騁古今貫穿經籍世襲太史涉獵采
 摭文直事校謂之實錄博物洽聞胡陷累綫
 明愧仲山悼同巷伯

楊子雲



楊雄字子雲少好學口吃不能劇談居岷山有
 田一廛宅一區漢成帝時召為待詔奏甘泉四
 賦家貧嗜酒好事者或載酒從之校書天祿閣
 後仕莽故朱子綱目曰莽大夫死云

贊曰有田一墀有宅一區清淨小欲不脩廉
 隅騷反屈原賦擬相如三世不徙皓首初除
 以玄尚白若將不污為莽大夫難逃其誅

嚴子陵



嚴子陵字光有高名與光武同學帝即位累徵
 不至披羊裘釣澤中乃備安車玄纁聘之三反
 乃至除諫議大夫不屈畊于富春山名其釣處
 爲嚴陵灘云

贊曰鳳情高迹龍性難馴
 遯世無悶泰宇長春
 霽月明江崇蘭濂雪
 下世忘機千載植節

諸葛亮



諸葛亮字孔明寓居南陽隆中漢建安中徐庶稱於
 漢主曰諸葛孔明卧龍也遂往見之三顧乃起宰割
 中河三分天下身都將獨手握重兵亦何求不得何
 欲不遂乃與後主言成都有桑八百株薄田十五頃
 子孫衣食自有餘饒臣身在外別無調度不別治生
 以長尺寸若死之日不使廩有餘粟庫有餘財以負
 陛下及卒果如其言故朱子稱曰如此輩人真可謂
 大丈夫矣觀其出師之表入陳之圖與夫木牛流馬
 擒縱之捷至今猶使人凜凜有生氣也
 贊曰身方管樂道愜渭莘虎略仗義龍韜運神壤
 偏三分策彌六墓志轉乾坤勢成掎角橫軀障海
 舉手扶嵩兩表忠辭萬古英風

司馬懿



司馬懿字仲達雄略內斷英猷外決謀孟達珍
 公孫兵動孟神謀無再計既承忍死之托曾無
 復生之報弱竄欺孤忍威殺戮亦匪純臣也後
 孫炎篡魏為西晉武帝

贊曰猗歟傳人佐命邦國雄略內斷英猷外
 決謀無再計兵動如神思屬風雲戰翼潛鱗
 侵吳欺蜀譎巧終成託付忍死報無復生明
 帝慘然石勒輕之狼顧之相千古所嗤

呂蒙



呂蒙字子明南陽人也少依姊夫鄧當竊隨擊
 賊當顧見大驚歸以告母母欲罰之蒙曰脫誤
 有功富貴可致且不探帑允安得帑子孫策召
 見奇之引置左右及權統事謂蒙曰卿當塗掌
 事宜學問以自開益蒙就學為志不倦籌策奇
 至卒以譎郝普禽關羽而荊州遂定於是封孱
 陵侯

贊曰少負膽勇混跡行間一遇知己策拜登
 壇兵馬務殷尚薦于學聰明既進知識亦博
 馳謀騁策取普禽羽聲績蔚然用錫茅土始
 雖輕果終能克已托身失所有愧國士

杜預



杜預字元顛博學多通明於興廢之道常言德不可企及立言立功可庶幾時虜寇隴右以預爲秦州刺史朝廷皆以預明於籌略預在內七年損益萬機不可勝數朝野稱羨號曰杜武庫言其無所不有也平孫皓之後紀績爲二碑一沉萬山之下立峴山之上乃耽思經籍爲春秋左氏經傳集解

贊曰學明興廢眼博今古戰兼儒風才稱武庫斟酌萬機損益七載尅平強吳勲高一代立功立言不負初志耽思典墳成癖左氏刻碑沉豎貽譏千祀

王導



王導字茂弘少有風鑑年十四高士張公見而
 奇之曰此兒容貌志氣將相之器也時元帝為
 琅琊王與導素相親善導知天下已亂遂傾心
 推奉潛有興復之志於是情好日隆朝野傾心
 彌為仲父王敦之反也導率群從詣臺待罪曰
 逆臣賊子何代無之豈意今者近出臣族帝既
 而執之曰茂弘方寄百里之命於卿是何耶帝
 崩受遺詔輔幼主
 贊曰邁達冲虛玄鑑劭邈思建剋復用成宣
 翌提挈三世終始一心懿績軼古忠規瓘全
 慶流門族重光後昆夷吾之智霍光之勲

謝安



謝安字安石少有重名神識沉敏風宇條暢放情
山水必携妓累辟不就至簡文帝時為相桓溫止
新亭大陳兵衛呼安石王坦之欲於坐害之坦之
甚懼倒執手版安石從容就席謂溫曰安聞諸侯
有道守在四隣明公何須壁後置人耶遂咲語移
日符堅卒衆百萬次淝水安為征討大都督指授
其姪謝玄往討之玄既破符堅捷書至安方對客
圍碁其性弘以大綱不存小察人皆比之王導謂
文雅則過之謚曰文靖

贊曰清神雅量弱冠壯圖天柱高立日轂能扶
身佩社稷氣侔虎龍慰望蒼生蓋世弘功

謝玄



謝玄字務度少穎悟爲叔父安所器重及長有
 經國才略時苻堅數侵邊境詔求文武良將安
 乃以玄應舉堅自率兵號百萬進屯淝水玄以
 精銳八千渡水擊之堅衆奔潰自相蹈籍死者
 不可勝數淝水爲之不流玄因堅喪敗數戰皆
 捷其後堅子丕告飢饋米二千斛及疾甚乞解
 職乃轉授會稽內史

贊曰江左不競王業如灰旁求良將舉不負
 才勢壓堅兵百萬俱披鶴唳風聲盡爲王師
 元兇挫威庶復中州云胡籍寇運米枋頭策
 雖一失功莫興傳

陶侃



陶侃字士行始劉弘辟爲江夏太守時天下多亂
 侃以褊旅獨當大寇無征不剋討王敦斬蘇峻擒
 郭默走郭敬遂平襄陽拜大將軍咸寧七年疾篤
 上表遜位慨然以餘寇未除山陵未返爲憤性聰
 敏恭勤綜理微密其在廣州朝暮運甓要以致力
 中原爲已任都督八州在軍四十一載雄毅有權
 明悟善斷梅陶曰陶公忠順勤勞似孔明云
 贊曰聰敏秉性恭勤成德惜陰勵志運甓致力
 勤兵有神英斷應手克剋敦兇期臬勒首蜀漢
 未混忠亮方倚天不請晉嗚呼夫子

王羲之



王羲之字逸少為右將軍會稽內史上巳日與
 同寮宴於山陰之蘭亭各賦詠成篇帙少時學
 書池水盡黑草隸為古今之冠論者稱其筆勢
 飄若浮雲矯若驚龍又曰烟霏霧結若斷而連
 鳳翥龍蟠斜而反正

贊曰幼性謹訥長學辯贍隸法擅妙高標棄
 檢夙積羨譽累讓進取養性自樂山海作主
 清談為累實功未行有材不學所嗟先生

謝靈運



謝靈運幼穎悟文章之美與顏延之為江左第一弟惠連每對之輒得佳語嘗於永嘉西堂思詩不就忽夢惠連即得池塘生春草之句乃云此語有神助宋元嘉中為永嘉守肆志遨遊尋山陟嶺必造幽跋著屐上山去前齒下山去後齒龔爵康樂公

贊曰靈運風標江左之望不屑繩檢後然自放雲霞一筆風雨千紙不遇而返何奮何取文藝流芳實行則病遺儀俊發觀者是省

陶淵明



陶淵明晉名也在宋易名潛字元亮世號靖節
 先生著五柳傳親老家貧謂人曰聊欲絃歌以
 爲三逕之資可乎起爲彭澤令解官賦歸去來
 辭有酒輒醉嘗於九日採菊盈把適太守王弘
 遣白衣送酒至因醉而歸恥事二姓宋名之不
 起故朱子書鑑曰晉徵士云

贊曰玉剛蕙華春煦秋霜望古遠集應物仿
 羊子史味道乾坤散襟三逕青山一張玄琴

檀道濟



檀道濟宋武顧命勳臣元嘉中伐魏夜唱籌量
 沙平明魏軍見之不敢逼妻向氏嘗戒之曰高
 世之勳道家所忌後為所疑見收憤怒目光如
 炬脫幘投地曰乃壞汝萬里長城

贊曰氣岸恢峻神機宏廓折衝抱略風雲協
 策戰先仁風績豎威聲量沙智深出圍勇程
 有勳忘戒終困大名嘆晚南侵誰毀長城

文中子



古臣圖卷六

三一

文中子王通字仲淹初薦學慨然有濟蒼生之志西遊長安見隋文帝奏太平十二策不見用楊素甚禮重之居河汾教授生徒續詩書修六經董常房杜等咸北面受王佐之道蓋千餘人雖居山澤有廊廟之志焉

贊曰衽席宇宙芻豢典墳韶鳴英激麟角鳳文夢寐千聖乾坤一琴嘒哉龔俗釣者知音

房玄齡



房玄齡字喬幼警敏十八舉進士高孝基謂裴
矩曰僕聞人多矣未有如此郎者異日當成國
鬼恨不見其聳壑昂霄耳後為唐十八學士者
太宗定社稷功第一進左僕射更封魏居相位
十五年孜孜奉國年七十一而薨謚文昭

贊曰王者之作必有碩輔入稱國鬼帝比鄧
禹決勝帷幄作帝股肱直則讓入治不矜能
澤被生民人不及知眷倚益隆終始保之


杜如晦



杜如晦字克明杜陵人少英爽喜書以風流自
 命內負大節臨機輒斷高祖平京師秦王引為
 府參軍帷幄機秘裁決無阻及秦王即位與玄
 齡共覽朝政引用賢士以疾辭職詔給常俸及
 卒帝哭為慟手詔虞世南勒碑文時天下初定
 臺閣制度憲章文物每與房玄齡討定史稱如
 晦善斷云

贊曰氣稟光嶽道通河汾抱負棟樑感會風
 雲在握剖秘盡鈞薦賢鑑空衡平麟出鷹翻
 廓氛揭日立章定樂佐贊鴻圖勲名畫閣

李靖



李靖字藥師姿貌魁奇嘗謂曰大丈夫當以功名取富貴何至作章句儒其舅韓擒虎與論兵曰可與孫吳侔矣牛弘見之曰王佐才也唐貞觀間出將入相封衛國公圖形凌烟有兵法行于世

贊曰早學孫吳名高衛霍際會風雲連誅拔擢討平劇賊迅掃大漠功光帝籍日隆眷倚盛滿必覆知足而止淨言交構帝用不疑明以保身非公而誰

李勣



李勣字懋功唐武德中拜并州都督在州十六
 年帝曰我用勣守并州其為長城遠矣圖形凌
 烟議者以其助立武氏之失幾於一言喪邦原
 夫太宗出為豐州裨高宗召用恩意實慚矣蓋
 其善將而能論兵不知托孤而臨大節亦用才
 受任之未明也為所戒哉

贊曰有隋之季群雄交惡長蛇封豕連據河
 洛矯矯英公執唐之鉞東征西伐應鼓如截
 赫赫皇業率賴以昌遐邇相率金甲同光終
 始三朝功烈偉然勸立昭儀不學之愆

蔚遲敬德



蔚遲敬德唐武德初為右府參軍屢立大功隱
 太子嘗以書招之贈金四丁車因齎之秦王曰
 公之心如山岳雖積金至斗豈能移之遂能授
 主於癡論功第一始封吳改鄂國公圖形凌烟
 贊曰鄂公崛起攀鱗附翼囚釋行臺安我反
 側躍馬橫刺相報何速實由太宗推心置腹
 積金不移橫恩可數公之用心不愧山岳

狄仁傑



姚崇



狄仁傑字懷英兒時門人有被害者吏就詰衆
方爭辨仁傑讀書不置曰黃卷中方與聖賢對
何暇偶俗吏語耶為并州法曹登太行山見白
雲孤飛因指曰吾親舍其下雲移乃去

贊曰偽周革命天地易位黜帝房州將武作
嗣公乃舊臣望重平勃屈首忍恥志專世得
誠孚人意忠感天心扶上日轂廓掃群陰功
高一代德庇生民忠孝兩全千古一人

君臣圖象下

三十一

姚崇字元之開元中以十事要說天子翌日拜
 相嘗問齊澣曰余為相何如管晏對曰公可謂
 救時之相贊云崇善應變以成天下之務璟善
 守法以持天下之正張說撰碑云八柱擎天高
 明之位列四時成序亭毒之功存云

贊曰遭遇主知贊襄帝業振綱勵紀措世隆
 浹終始不涅功烈煒燁遺像儼然川停嶽立

宋璟



宋璟耿介有太節初居小官以所作梅花賦投
 蘇味道稱之自是知名皮日休云諒其真姿
 質剛態毅狀有鐵石心腸不鮮吐軟媚語觀其
 梅花賦清便富艷得南朝徐庾體殊不類其為
 人拜相封廣平公

贊曰公在開元繼姚為相風度凝遠莫涯其
 量守文持正務清刑政危言切議千載攸敬

顏真卿



顏真鄉為平原太守祿山反獨倡義討之玄宗
 嘆曰河北二十四郡無一忠臣耶及聞討賊喜
 曰朕不識顏真鄉何如人所為乃如此四朝元
 老忠直孝友羽儀王室位太師封魯公史贊
 云雖千五百歲其英烈信如嚴霜赫日可畏而
 仰哉

贊曰懿我太師天畀剛直正色立朝儉人忌
 克孽胡扇亂強臣作慝臨危受命義不辱國
 罵賊逾厲蹈死不貳歲寒其操嚴霜其氣遺
 像凜然瞻者仰止

郭子儀



郭子儀唐代宗朝平安史之亂功居第一以身繫安危者二十年校中書令二十四考八子七婿皆貴顯諸孫數多不能盡識至問安但頷之而已富貴壽考哀榮終始人臣之道無缺焉代宗常呼為大臣而不名賜號尚父封汾陽王年八十五而薨謚忠武

贊曰負身有智視敵無堅世曰德備人謂才全立績謙已聞命釋兵所藏忠恕令終勲名

李白




君臣圖錄

四十一

李白字太白母夢長庚入懷而生因命之賀知章見之嘆曰子謬仙人也召見金鑾殿論當世事賜食親為調羹詔供奉翰林帝嘗坐沉香亭召作樂章拔筆成文婉麗精切欲官之會高力士以脫靴為取摘詩以激貴妃沮之乃浮遊四方騎驢過華陰縣令責之供云曾用龍巾拭唾御手調羹力士脫靴貴妃捧硯天子殿前容走馬華陰縣裏禁騎驢令驚謝之李陽冰序白集稱千歲獨步惟公一人

贊曰天才絕出豪邁蓋世驅駕風霆歷聘無滯妙泄玄秘理抽幽深獨立詩壇傲睨古今萬文光焰驚耀人目風神鬚髯意氣如昨

杜甫



吾至蜀豫下

馬下

杜甫字子美少貧舉進士不第天寶末奏賦帝
 奇之使待制集賢院後拜右拾遺上書救房琯
 黜流劍南依嚴武表為參謀檢校工部員外郎
 嘗從李白高適過汴州酒酣登吹臺慷慨懷古
 人莫測也故昌黎詩云李杜文章在光焰萬文
 長

贊曰逸驥伏櫪長松老谷上排天維下幹地
 軸吐芬詩史挺節風塵憂世思古混俗抱真
 擦垣匪華草堂何陋蹇驢破帽嘯傲宇宙

白樂天



白樂天名居易始生七月能展書指之無二字
 示之雖百數不差年十七登進士第詩云慈恩
 塔上題名處十九人中最少年唐元和中對策
 授左拾遺遷主客郎中知制誥晚年放意詩酒
 號醉吟先生稱香山居士人繪九老圖為刑部
 尚書

贊曰才出天賦道直一世力爭帝前安危大
 計雖遭斥逐晚益不衰憐小得志蘊不能施
 絕意功名高謝塵寰企仰遺風感佛可嘆

韓文公



韓文公名愈字退之唐之文宗李漢序云曰光
 玉潔周情孔思千態萬貌卒於道德仁義炳如
 也宋璟贊云以六經之文為諸儒倡學者仰之
 如泰山北斗為御史以論官市貶後遷刑侍又
 諫佛骨謫潮州名拜祭酒遷吏侍謚文公號昌
 黎先生

贊曰上躋六籍下撫百家服道佩義含英
 華學涵聖涯忠震天關鳳鳴紫霄虎躍青山

柳子厚



柳子厚名宗元文章卓偉第進士中博學宏詞
 科唐貞元中拜御史元和中拜柳州刺史世號
 柳柳州文集云唐之文振燦然如繁星麗天
 寒色正人望而敬之者五行而已河東柳子厚
 斯人所望而敬者歟既沒柳人懷之爲立廟昌
 黎爲之碑

贊曰天資挺持文藝絕倫詞林臣儒鶴列名
 臣進取何急黨付奸流一廢不振誰怨誰尤

孟東野



孟東野名郊貧居苦吟詠與韓愈張籍為友更
 嘯迭和愈詩有東野動驚俗不葩吐奇怪之句
 年五十謫溧陽尉聞街於投金瀨及積水郊之
 傍徘徊賦詩曹務多廢令白府以假尉代之而
 分其半俸卒謚貞曜先生

贊曰萬古襟懷一世矛盾棘孤止鷺牽絕繼
 鱗王戚武庫珠寶未困不有山斗孰識其跡

賈島



唐五言集下
 四十一

高太尉



賈島字浪仙工詩嘗得僧敲月下門之句始欲
作推字嘗跨驢引手作推敲勢時韓愈為京兆
尹不覺衝至第三節左右擁至馬前以實而對
愈曰敲字佳遂與為布衣交初為法乾寺浮屠
宣宗微行至欲觀吟卷雖不得御札賜長江簿
故程錡云騎驢衝大尹奪卷忤宣宗

贊曰清標瀟落秋空一鶴脫略聲利游神寂
冥晚逃緇法反我名教薦學為文物無所樂
沉思苦吟雅韻鏗鏘高步詩林齊名孟張不
朽者存命蹇何傷

高太尉名瓊汴人唐相士廉之後宋真宗時契丹寇
 澶淵邊書告急丁日五至中外震駭帝問諸寇準未
 決準謀於瓊曰太尉受國恩今日有以報乎對曰予
 武人願効死耳遂奏曰陛下若不過河百姓如喪考
 妣即麾衛士進輦渡河遙見城樓街蓋衆皆歡呼萬
 歲虜相視震懼乘勝斬獲太半請和而退凱旋以功
 授太尉進封衛國王謚武烈子十四人皆知名其繼
 勲襲爵謚穆武孫女冊英宗后贈宣仁聖烈太后臨
 政九年稱爲女中堯舜
 贊曰澶淵告急邊書日催賦詩宰相縮首低回高
 公制變火迅電忽促帝過河奮名鯨突纜登北城
 衆乃告績太尉之官天子之錫是榮是慎永保厥
 家宣仁臨治慶亦云遐

包極



君臣圖象下

五

包拯字希仁天性嚴厲未嘗有笑人謂包公笑
 比黃河清知端州歲滿不持一硯歸為京尹令
 行禁止閭里童稚亦知其名語曰關節不到有
 閻羅包老天下呼為包待制至今小兒猶誦云
 詩曰直幹終為棟真鋼不作鉤拜樞密盜孝肅
 贊曰性稟峭嚴霜雪其貞喜愠不形笑比河
 清十載棄官事親以誠當朝譽謗權幸振情
 一知開封關節不及不有斯人孰清朝廷曰
 孝曰肅無愧易名

劉雲莊



劉雲莊名凝之爲穎上令棄官歸徙廬山之陽
 歐公與公同年高其節賦廬山高以表之有文
 夫壯節似君少之句朱文公守南康爲作壯節
 亭記蘇子由稱其冰清玉剛廉潔不撓凜凜乎
 非_下今世之士人以爲白雲老稱之其雲莊乃自
 號云

贊曰清脩苦節恬靜自勵守道不撓不容衰
 世闕世紛更見幾斯作高遁無門有卓其節
 長往不返白雲深壑清風凜然頑廉懶立

周濂溪



周濂溪名惇頤字茂叔號濂溪先生山谷云春
 陵周茂叔人品甚高胸中洒落如光風霽月雅
 意林壑初不爲窘束作太極圖及通書上接洙
 泗千載之統下啓河洛百世之傳文公贊云書
 不盡言圖不盡意風月無適庭草交翠熙寧中
 除提刑謚元公

贊曰天喪斯文世絕師承先生獨覺道隨以
 興圖既形容書亦丁寧萬古長夜始我以明
 可仕可止從容太全胸中風月世外山川

邵康節



吾正圖錄下

五十一

邵康節名雍字堯夫所居蓬華環堵不蔽風雨
 名曰安樂窩為甕牖讀書宴居且則焚香獨坐
 晡時飲酒三四甌自號安樂先生云不顯姓名
 垂三十年居洛之浹風月情懷江湖性氣樂道
 善言樂行善事文公贊云天挺人豪英邁蓋世
 駕風鞭霆歷覽無際手探月窟足躡天根閑中
 今古醉裏乾坤謚康節

贊曰百源山中早學天地安樂窩裏晚好雲
 水造物為徒獨遊無方一心憂喜萬古興亡
 宇宙精英盡於斯人可死其身不死其神

司馬溫公



卷之四十四 五十四

司馬光字君實登進士甲科所居蕭然圖書盈
 几以圓木爲警枕小睡轉覺起讀七歲講春秋
 年十五書無不通音曆天文書數皆極其妙述
 資治通鑑康節言共踏實地明道云如人參甘
 草忠孝誠實好禮清苦本於性志薨贈太師溫
 國公哲宗御篆碑曰清忠粹德朱子贊云上無
 所傳下無所授天資粹美暗合道妙其子孫布
 於夏粵代有聞人馬

贊曰學問充性清修律身孝友竭親忠信盡
 君園林獨樂新政是憂八蠻知名四海蒙休
 旋乾轉坤有功有績遺像凜然千載粹德

程明道



程明道名顥字伯淳十歲能為詩賦十二三居
 庠序如老成人與弟頤以經術為諸儒倡坐如
 泥塑人接人澤是一團和氣初為監察御史神
 宗問所以為御史對曰使臣拾遺補闕裨贊則
 可掇拾短長以沽直名則不能上曰得真御史
 體俾薦才十數而以張載及弟頤為首文潞公
 表其墓謚曰明道先生文公贊云揚休中立平
 色金聲元氣之會渾然天成
 贊曰天地真元鍾生純公一聞至理弄月吟
 風至誠無息博學深造言為世則大明厥道
 一團和氣尚如當時何以名之百世之師

程伊川



程伊川名頤字正叔以經學淑人呂申公司馬
 公同薦云力學好古安貧守節年逾五十不樂
 仕進真儒者之高尚聖世之逸民朱光庭言及
 天民之先覺聖代之真儒召授說書侍經筵曰
 真侍講也文公贊云規圓矩方繩直準平允矣
 君子展也太成號伊川先生

贊曰周旋禮樂造次威儀夫何間然不可犯
 之君子所存俯仰無作萬世斯文獨為先覺
 非直也學實天生德有儼遺像瞻者是則

張橫渠



張橫渠名載字子厚學問力行爲關中士友宗
 師稱爲橫渠先生在京師坐虎皮講易聽徒甚
 衆一夕二程至次日撤去曰二程深明易道吾
 不如諸子宜師之歸陝西故文公贊云早悅孫
 吳晚逃佛老勇撤臯比二變至道有訂頑砭愚
 二銘正蒙經學行于世官至同知太常禮院
 贊曰六經之學發憤忘食三代之治慨然思
 復道不偶時薄遊小官書曰正蒙銘爲訂頑
 後人之惑先生是憂百世之下有識者不

蘇東坡



蘇東坡名軾字子瞻號東坡居士嘉祐中歐公
 考試見其文語梅聖俞曰老夫當避此人一頭
 地召見宣仁高聖后曰先帝每見卿文章必嘆
 曰奇才奇才因命坐賜茶以金蓮炬送歸院官
 至內翰謚文忠贊云嬉笑怒罵皆成文章解羈
 而歸紫微王堂云

贊曰英氣超厲壯志邁往忠規謹論抗直矯
 枉力攘新法竟竄炎荒行雲披翰流水展章
 榮震賜燭位斬秉鈞吐芬一代雄視千春

黃山谷



黃山谷名庭堅字魯直東坡薦云瑰奇之文妙
 絕當世孝友之行追配古人初與李公擇相見
 于舒州石牛洞山谷寺常遊而樂之故號山谷
 道人謫涪州別號涪翁遷黔州又號摩圍老人
 推為江西詩祖官至太史

贊曰山河秀氣冰玉精神嶮語壓鬼高詞絕
 塵獨步騷壇名揭日星非直也人藻翰天成
 孝友殊薦志操愈確道直難容吁嗟薄俗

楊龜山



楊龜山
 卷之六
 六十一

楊龜山名時字中立號象山先生初與游定夫謝顯道俱遊明道之門學有本源行無玷缺而為一世之儒宗徽宗朝為國子祭酒且與定夫見伊川瞑目而坐二子侍立既覺顧謂曰爾輩尚在此乎曰既晚且休矣及出門雪深三尺謚文靖

贊曰人亡教弛斯道陵遲兩程之後夫子承之豁然之歸理一分殊晚居言責讜言忠謨黎民懷惠海外知名邪說不作聖言益明

岳飛



岳鄂王名飛字鵬舉生時有禽名鵬飛鳴屋上故
 名少負氣節好春秋孫吳兵法引弓三百斤善左
 右射宋靖康初金人南侵二帝北狩乃應募誓以
 忠義報國用兵能以寡擊衆大小百戰未嘗一敗
 及平大盜李成等十數入覲賜金絲戰袍金帶衣
 甲等御書旗曰精忠岳飛及兵勝朱仙鎮金人已
 有指燕以南之懼時秦檜主和議詔班師一日奉
 金字牌十二追還飛再拜曰十年之功廢於一旦
 非臣不稱職實檜誤陛下也檜聞銜之竟為所害
 官至少保贈太師鄂王謚武穆
 贊曰猗歟武穆天挺之豪忠與日炳節共山高
 涅背為誓盡忠報國慷慨激烈圖恢復域下朝
 奉牌臣不能力三字傳會竟置不測

朱晦菴



朱晦菴名熹字元晦居紫陽山下從學于屏山籍
 溪以誠致之學得文獻之傳下心窮造化之原盡
 性情之妙達聖賢之蘊以一身體天地之運備事
 物之理任綱常之責築室建陽號雲谷老人堂曰
 晦菴自號晦翁晚居考亭精舍號滄州病叟改號
 遜翁除煥章待制贈太師徽國公謚曰文正自贊
 曰從容乎禮法之場沉潛乎仁儀之府是予蓋將
 有意焉而力莫能與佩先師之格言奉前烈之餘
 矩惟闇然而日修或庶乎斯語迹其著述自聖人
 之歿孰能加焉足可以見義理感於人者深矣
 贊曰周氏東遷孔子以出宋室南渡文公是作
 六籍重修千聖同歸竭誠事君人以為非中遭
 偽禁自信愈篤煥乎文章巍然道德

張南軒



張南軒名栻字敬夫自幼侍父浚紹興中拜相
 充州陝州宣撫忠貫日月孝通神明勲國恩民
 威震四夷功垂永世述四德銘饒之於石栻嘗
 親覽其所見聞莫非仁義忠孝之實及長學先
 義利之辨官至秘閣脩撰號南軒先生
 贊曰敬夫侃侃天資穎悟學辨義利克有歸
 趣卓然之見非積寸銖究尋大本道優諸儒
 聖賢自期時哉不淑名揭南軒瞻者拭目

呂東萊



呂東萊名祖謙字伯恭號東萊先生隆興初中
 宏詞科除秘書兼編脩奉詔類本朝文鑑書後
 除直閣文公贊云一身備四氣之和一心為千
 古之秘推其有足以尊主庇民出其餘足以範
 俗垂世

贊曰一身之備四時之氣寸心之蓄千古之
 秘智有若龜處之如惑辨有河漢守之若訥
 詞放黼黻胸吞雲夢厥施未大吾儒之痛

蔡西山



蔡西山名元定字季通文公嘗曰造化微妙惟
 深於理者能識之吾與季通言而不厭也著洪
 範解大衍詳說律呂新書皆行于世學者尊之
 曰西山先生生而穎異博覽經書初父以程邵
 張氏語錄經世正蒙授焉乃曰孔孟正脉也
 贊曰力學篤行穎異超倫究析玄微發蘊前
 人豈弟君子德優才純為往繼後斯文弥新

蔡九峯



蔡九峯名沉字仲默西山之子也研精覃思博
 考經籍註書傳時緣師文公已病老二典禹謨
 皆先生之藁也先以偽學黨起父曰吾其不免
 乎及貶道州不辭家即就遣侍父徒步行三千
 餘里脚爲流血無幾微見於言色文公視其父
 子不異平時因喟然曰友朋相愛之情不對於
 志兩得矣

贊曰業廣而精德周而粹有父有師淵源有
 自隱居求志傳經發奧允矣君子展也深造

真西山



居臣圖象下
 六十一
 七

真西山名德秀字希元本姓慎避孝宗諱改姓真
 少篤學母吳氏躬織紉以教後中宏詞科帥湖南
 潭人爲立生祠一夕有題于壁云舉世知公不愛
 名湘人若欲置丹青西方又出一活佛南極今添
 兩壽星幾百年方鍾間氣八千春願祝脩齡不須
 更作生祠記四海蒼生口是銘進大學衍義上嘉
 之越山居成名其齋曰學易春帖云坐看吳越兩
 山色默契義文千古心參大政謚文忠號西山
 贊曰長身廣額天挺英雄奔波滌漫喬嶽當中
 經術文章列星瑞雲陶鑄和風擬洗妖氛遭時
 苦晚大手誰試十年章奏一墜虛地君子生世
 豈曰無爲士見正學民有生祠

許魯齋



許魯齋名衡字端魯與群兒嬉戲作進退周旋之
節眾莫敢犯時國土日蹙民皆轉徙之師書父母
以世亂令與日者遊欲知占推之術為避難計由
是刻意考求為學之序暨卜兵刑貨利靡不窮究
人亦稍從焉及見姪樞授以程朱易傳註默契于
中乃謂人曰昔所授受殊孟浪也今始得之必從
事於灑掃應對以為進德之基遂篤志力行以實
默薦陳時務五事拜中書左丞集賢大學士議興
學校及致仕居家公私兼盡不嚴而整閨門之內
肅若朝廷凡昏葬遵古不用佛老懷孟化之年七
十三而卒戒勿請諡但書許某之墓四字
贊曰生逢叔季何運之衰學接先聖千載不遲
王盤一見遽稱神明其言也善悔心之萌下終

慶安四年辛卯五月吉日御幸町通長倉町安井宗左衛門尉開板

